

# La'ó Hamutuk

## Institutu Timor-Leste ba Monitor no Analiza Dezenvolvimentu

Rua Felicidade (Rua Cardoso Dias) Gricenfor, Bairro Central, Dili, Timor-Leste  
P.O. Box 340, Dili, Timor-Leste Tel: +670-3321040 or +670-77234330 (mobile)  
email: [laohamutuk@gmail.com](mailto:laohamutuk@gmail.com)- Website: [www.laohamutuk.org](http://www.laohamutuk.org)



**Sua Exelénsia Francisco Kalbuady Lay**

**Vice-Primeiru Ministru no Ministru Koordinadór ba Asuntu Ekonómiku Repúblika Demokrátika Timor-Leste**

Cc ba : **Exelénsia Ministru Komérsiu no Indústriá**

15 Janeiro 2026

Sua Exelénsia Vice-Primeiru Ministru no Ministru Koordinadór ba Asuntu Ekonómiku,

La'ó Hamutuk – Institutu Timor-Leste ba Monitor no Analiza Dezenvolvimentu – ho respeito ható'o karta aberta ida ne'e atu partilla observaun no apelu konstrutivu kona-ba prosesu elaborasaun, koordinasaun no debate Proposta Lei Konkorrénsia, ne'ebé Governu halo iniciativa no submete ba Parlamentu Nasionál.

La'ó Hamutuk rekoñese importánsia estratéjika Lei Konkorrénsia nian ba promosaun merkadu ne'ebé justu, protesau konsumidór, atrasaun investimentu no dezenvolvimentu ekonómiku ne'ebé sustentável. Tanba lei ida ne'e, sei afeta direta ba ajente ekonómiku, relasaun merkadu no ambiente regulátoria, prosesu elaborasaun presiza garante deliberaun ne'ebé transparente, informadu no inkluzivu.

Husi perspetiva governasaun di'ak no boas prátika internasionál iha reforma regulatória, La'ó Hamutuk observa katak seidak iha konsultasaun pública alargada no estruturada iha fase preparasaun proposta lei. Mekanizmu hanesan publikasaun esbosu, audiensia pública no avaliasaun impaktu sosiu ekonómiku hodi bele ajuda Governu hodi identifika lakuna, prevene konflitu iha implementasaun no hametin konfiansa pública.

La'ó Hamutuk mós ható'o preokupasaun substansial balu:

- a. Nesesidade protesau diferenciada ba empresa ki'ik, cooperativa no ekonomia informál, ne'ebé sustenta maioria povu
- b. Risku konsentrasaun merkadu no abuzu pozisaun dominante/dependénsia ekonómika se mekanizmu la klaru
- c. Klaridade regulatória no seguransa legal hodi favorese ambiente investimentu previsível
- d. Independénsia no kapasidade autoridade konkorrénsia futura, tuir boas-prátika regulatória.

Iha espíritu parséria institusionál, La'ó Hamutuk enkoraja Sua Exelénsia atu konsidera:

1. Promove konsultasaun públika suplementár iha faze spesialidade;
2. Haforsa alinhamentu inter-ministerial, liu husi koordinasaun ho Ministru Komérsiu no Indústria;
3. Integra abordajen diferenciada no períodu tranzitóriu ba ajente ekonómiku frazil;
4. Asegura modelu institusional independente ba autoridade konkorrénsia.

La'ó Hamutuk fiar katak abordajen Prudente no inkluzivu sei hadi'a qualidade lei, hametin konfiansa públika no garante katak Lei Konkorrénsia ne'e sai instrumentu efetivu ba interese primordial Povu Timor-Leste nian. Ami reafirma disponibilidade atu kontribui konstrutivamente iha prosesu ida ne'e.

Ho Respeitu:

Marta da Silva

Celestino Gusmão

Charles Scheiner

Mariano Ferreira

Elia da Costa Araújo

Elivania Alves Correia

Jonathan Gonsalves